

Агитатормудин семинар

Шидр Черноземельск райкомпартъ цуг района партийн организацас 85 агитатормуд дуудж авад, семинар кев. Семинарт „Ставрополье советин йосн тогдад 40 джил болснас нааран“ — гидг лекц КПСС-н райкомин сеглэтр В. А. Хадеев умшв, „Мал үвлздг Хар газрт, колхозмудин болн совхозмудин хөд бүрданьгъу-саянар үвлзүлдх агитатормудин кех төр“ — гидг доклад райкомин сеглэтр В. Н. Шульженко кев.

Дакад болхла, олн колхоз-совхозин малчнрт цаялгьврн көдлмш келгяна дамшлт--гидж агитатормуд эвранны дамшлтан холгьдж күүндцхав. Семинар йир сян соньн бүрданьгъу болв. Төмр хаалгын Артезиан станцин агитатор үр Израилов, Артезианск МЖС-н участкд көдлдг механик үр Бессарабов, КПСС-н член, Черноземельск МЖС-н 10-ч тракторн бригадин прицепщик үр Гаврилов, „Черноземельский“ совхозин эклц партийн организацин сеглэтр үр Еременко болн нань чигн улс, утуршдан 10 агитатормуд босдж дамшлтан келцхав.

Тедн эн зун цаялгьврн көдлмш МЖС-дин механизатормуд болн колхоз-совхозин малчнр дотр ямаран кевар келдснй тодрха кевар келдж диглв.

Семинарт агитатормуд тодрха кевар, райкомпартин ямаран баадлтэгьар культурн-политическ болн геган-герлин цаялгьврн көдлмш эн ирх үвл Хар газрт үвлзх хөбчнрин дунд кех гисн зурала таньлдв. Тер зурад, КПСС-н района комитет болн района күүцэгч комитетин Совет сар болгын МЖС-н зон болгьнар хург кехиг темдгджаня. Хургт болхла МЖС-н специалистирля хамдан үвлздж баах колхозмудин хөбчнр, бригадирмуд болн фермин толгьачнр орлцдж, ямаран кевар олна хөд үвлздж баахин тускар, шунмгья хөбчнрин дамшлтла таньлддж болн нань чигн төрмуд күүндхмн. Бас урдк джилмудин үлгүрар, мал өсгачнрт лекцс болн докладс умшгдх, кино үзүлгдх, района культурин Герин болн клубсин белдврар концертс тавдж үзүлгдхмн.

Эн сард райкомпартъ болн района күүцэгч комитетин Со-

вет, Хар газрт үвлзх хөд туудж йовх хаалгьднь тосад, хошхошар эргад йовад кино үзүлдг машинс, культурн бригадс болн лектормуд, агитатормуд йовулдж, хөбчнрт зуурнь сян, соньн амрлгь өгхмн гидж шиидв.

Хөбчнрин бригадс үвлзх газрун Хар газрт ирлгьнля райкомпартъ зон-зонар түрүн хургуд кехар бааня. Тер хургт ямаран кевар хөд туугддж ирснй, сян-сян килмджтя хөбчнрин тускар, ягьдж гару угагьар, чинягьинь мууруллго туудж, үвлзх бааридан хөбдан авч ирсиг күүндхмн. Райкомпартъ, „Вперед к коммунизму“ гидг района газетин редакцла хамдан шишлнь листовкес гаргьдж, терүнд килмджтя хөбчнрин дамшлтин тускар барлдж, наадк хөбчнрт медүлхмн гидж шиидля.

Агитатормуд семинартан цаялгьврн көдлмшиг чаньгьадж, цагтнь газет, журнал умшдж, хөбчнрт зурагьан күүцэхднь доньган өгхвди гидж темдгцхав.

В. А. ХАДЕЕВ,
КПСС-н Черноземельск
райкомин сеглэтр.